

نصيحة من اصحاب التوظيف

مرحبا بكم في الفيديو رقم 3 من سلسلة التطوير المهني. اعتقد راح تشوفون ان هذا الفيديو مهم بصورة خاصة لعملية البحث عن عمل، لانكم راح تسموه نصائح مباشرة من اصحاب التوظيف!

مرحباً، اني محمد و راح اشارككم بنصيحة الشركات الموجودة بالعراق اليتريديكم تعرفوها. ركز وياي، لان هاي النصيحة مقدمة من اصحاب توظيف حقيقيين بالعراق.

ما تفعله و ما لا تفعله بالسيرة الذاتية

بالبداية، احنه نسأل المسؤولين ان يشاركونه ببعض النصائح عن الي نقدر نكتبه و عن اليمقدر نكتبه بالسيرة الذاتية، و راح نذكر الي قالوه :

- حدد سيرتك الذاتية حسب العمل حتى تقدر تركز الضوء على نقاط قوتك الي تقدر تقدمها. لا تكتب أي شي في سيرتك الذاتية متقدر تشرحه و لا تقدر تذكر خلفيته.
- حضر بحذر سيرتك الذاتية و تأكد ان ما بيها اخطاء نحوية و لا اخطاء املائية حتى ما تبدو انه انت ما مهتم. و دائماً استخدم المدقق الاملائي! اطلب من صديق تثق بيه و او زميل او موظف بمركز التطوير المهني ان يراجعها بصورة دقيقة قبل ان ادزها.
- لا تكذب ابدأ في سيرتك الذاتية. يخالف انك متعرف فد شي، عندك اهوايه سنوات امامك حتى تحصل بعض المهارات . كمثال، خبرتك بالعمل على مايكروسوفت ورد ميخليك متمكن من كل تطبيقات مايكروسوفت مثل اكسل و اكسس. لا تبالغ بمؤهلاتك.

ما تفعله و ما لا تفعله خلال المقابلة

اصحاب التوظيف قدموا بعض النصائح حول عن ما تفعله و عن ما لا تفعله في مقابلة العمل :

- لا تسأل ابدأ عن الراتب في بداية المقابلة. فهذا يعتبر م من اتيكيت المهنية من تخلي الراتب بالمقام الاول او اهم شي في تفكيرك. ما راح تاخذ منصب عالي بوقت كلش قصير، لذلك ركز على مود تخلي رجلك على عتبة العمل حتى لو هذا جان يعني انت راح تاخذ موقع اقل اهمية.
- دائماً جيب وياك نسخة من سيرتك الذاتية للمقابلة. انت و الي راح يقابلك راح تشيرون للسيرة الذاتية و من الجيد ان تكون موجودة امامك.
- تدرب على المقابلة على المراية او ويه اهلك و اصدقائك حتى تقدر من توترك خلال المقابلة الفعلية.
- لبس لباس رسمي.
- لا تنسى تتوجه بسؤال حول العمل او الشركة.
- ابحث عن معلومات تخص الشركة و اعرف اكثر حول نشاطهم بالعراق و على مستوى العالم اذا كان لها نشاط خارج العراق.
- اغلق هاتفك خلال المقابلة و ابقى مركز.

التواصل مع الاخرين وعملية البحث عن عمل

و حتى ناخذ نصائح ثانية، سألنا المسؤولين عن التوظيف حتى يقولون لنا عن التواصل مع الاخرين و استراتيجيات البحث عن عمل. و هذا الي قالوه :

- أسأل منا و منا و زر الشركات. لأنهن مو صعب تلقاهن. ابحث على الانترنت و استخدم الفيس بوك راح تتفاجئ بعدد الفرص الي راح تقوتك من خلال الاعتماد بس على الأهل او الاصدقاء.
- احضر المناسبات و المؤتمرات و التقى بالناس الي يعملون بالحقل الي انت تريده. و بعدين تعرف عليهم اكثر و اسالهم هل ان شركتهم او شركة ثانية تقوم بالتوظيف، سوي بيزنس كارت عليه اسمك و معلومات اتصالك و مهنتك و دراستك.

طور نفسك

- و حتى تعرف بصورة اكيد أي نوع من المرشحين يريدهم المسؤول عن التوظيف، سألناهم حتى يوصفون لنا بعض الصفات الشخصية. و اخبرونا :
- الالتزام و اخلاق العمل و الانتباه الي التفاصيل هي جدا مهمة بالنسبة للمسؤولين عن التوظيف. تأكد انك تبين ان عندك هاي الصفات.
- و اثناء العمل لازم عدك القدرة على التواصل مع جمهور متنوع و تقفهم شيطلبون منك. طور مهاراتك التواصلية في كل اللغات.
- الثقة بالنفس هي مسألة ايجابية، بس تذكر ان الخط يفصل بين الثقة بالنفس و وشوفة الحال كلش رفيع.
- لا تاخذ الرفض بصورة شخصية. مرات يكون اسهل ان تعتبر المسألة شخصية من وحدة من الشركات الي اتصلت بيهن ميجاوبن. مرات السبب يكون النقص بمهاراتك او المقابلة ما جانت زينه. بس لا تاخذ الرفض في عملية البحث عن عمل بصورة شخصية. يمكن انك ما حصلت على العمل لسبب ثاني، يمكن الشركة غيرت احتياجها. مراح يساعدك بأي طريقة ان تاخذ المسألة بصورة شخصية او تزوج بسبب الرفض، ابقى تحرك و ابقى ابحث.

شلون تزيد من فرص توظيفك

- و بالاخير سألنه المسؤولين عم التوظيف عن طريقة زيادة فرص الحصول على عمل. و جان عدهم بعض الافكار المحددة – و ها هي :
- ابقى على رأس عمل ما . اقبل يعمل حتى اذا جنت تعتقد انه اقل من مستواك. فراح تتعلم فد شي منه و راح تلتقي بناس جدد و توسع شبكة علاقاتك، و كل هذا يمكن ان يجيبك عمل افضل بالمستقبل.
- كن منفتح بخصوص عمل التدريب مقابل التوظيف و حتى اذا كان بلا راتب. هذا راح يساعدك بالتوظيف في هذه الشركة او شركة مشابه و راح تطور مهاراتك التسويقية. و هذا يعرض انه انت عندك حس التزام.
- شبكة العلاقات، شبكة العلاقات ثم شبكة العلاقات مرة اخرى، مراح تلقى عمل و انت باقي بالبيت تنتظر واحد يجي يساعدك – اطلع و حقق الي تريده!
- اذهب الي الاماكن الي يروح الها الحرفيين و سلم عليهم و عرف نفسك الهم. و سولف الهم شوية حول مؤهلاتك و شلون انت مستعد للعمل. هذا جزء من شبكة العلاقات.

- اعمل فد سيره ذاتيه قويه: لازم اتحصّل خبره عمليه ولو بمجال غير مجال تخصصك لأن تحصيلك عالشهادة الجامعية يعني انك قادر تتعلم. الخبره حتى لو كانت بشغل تطوعي هي احسن ميزه بسيرتك الذاتية.

كون مستعدت تشتغل بكل طاقاتك: اكو تنافس اهوايه بسوق العمل ولازم تعرف شلون اتمشي امورك! واتذكر انه اصحاب الشغل ماملوبين لك بحاجه.

اتمنى ان يكون هذا الفيديو قدم الكم صورة افضل حول ما يدور في عقل المسؤول عن التوظيف. و نريد نشكر الاشخاص الحرفيين لمشاركتهم :

Ahmad Mohamad Jobori

Account Executive, Ipsos MENA, Iraq

David Kennedy

Regional Managing Director, Afren Middle East-North Africa

Jorge Eduardo Restrepo, Esq.

Managing Director, New Frontiers Business Consulting, LLC

و في بقية الفيديوات بهاي السلسلة راح توسع حول الي سمعته اليوم هنا. و دائماً سولف ويه موظف مركز التطوير المهني و شبكة علاقاتك حتى تحصل على نصائح أخرى.